

atese a le cosse di la terra; et il zorno fo balotà la zonta, non vene a consejo.

A dì 6. Vene el doxe a gran consejo la prima volta, e fece le parole secondo usanza, referendo gratie a Dio et al consejo che l'havea fato doxe, exortando tutti a ben viver e la union; e che cadaun si avanta a non prevaricar le leze, nè tochar i danari publici, con altre acomodate parole; vestito un manto di raso e vesta damaschin cremexin.

67* Et in questo consejo fu electo procurator di la chiesa di San Marco, in luogo di sier Filippo Trun, a chi Dio perdoni, sier Beneto da cha' da Pexaro, capetanio zeneral di mar; et quelli fono electi saranno qui soto scritti. Erano balote numero 1290; et, rimasto, fo chiamà sier Hironimo da Pexaro, suo fiol, el qual accettò per nome dil padre. Et poi, a dì 7 dito, fu electo, in loco di serenissimo, *etiam* procurator sier Marin di Garzoni, fo podestà a Padoa. Et erano a consejo 1310; et quelli fono electi saranno qui soto.

Electo procurator di S. Marco, loco di sier Filippo Trun, a chi Dio perdoni.

A dì 6 octubrio.

Sier Andrea Venier, fo consier.
Sier Marin di Garzoni, fo podestà a Padoa.
Sier Antonio Trun, fo consier.
Sier Domenego Marin, fo capetanio a Padoa.
Sier Lucha Zivran, el consier.
Sier Hironimo da Pexaro, el consier.
Sier Lucha Zen, fo capetanio a Padoa.
Sier Marco Antonio Morexini, el cavalier.
Sier Constantin di Prioli, fo savio dil consejo.
Sier Marin Venier, fo podestà a Padoa.
Sier Antonio Loredan, el cavalier.
Sier Beneto da Pexaro, capetanio zeneral.
Sier Marco Foscolo, fo consier.
Sier Antonio Valier, fo savio dil consejo.

Rebalotadi.

Sier Marin di Garzoni.
Sier Marco Antonio Morexini, el cavalier.
Sier Lucha Zen.
† Sier Beneto da Pexaro.

A dì 7 dito, provedador di le camere di citra, loco di serenissimo.

Sier Francesco Foscarini, fo savio dil consejo.
Sier Lunardo Mozenigo, fo podestà a Padoa.

Sier Francesco Bernardo, fo consier.

Sier Tomà Morexini, el consier, de sier Nicolò, procurator.

Sier Marin di Garzoni, fo podestà a Padoa.

Sier Domenego Marin, fo capetanio a Padoa.

Sier Cosma Pasqualigo, è luogo tenente in Cypro.

Sier Marco Bolani, fo podestà a Padoa.

Sier Luca Zen, fo capetanio a Padoa.

Sier Hironimo da Pexaro, fo capetanio a Verona.

Sier Antonio Loredan, el cavalier, savio dil consejo.

Sier Andrea Cabriel, fo duca in Creta.

Sier Antonio Trun, fo consier.

Sier Francesco Trun, el consier.

Rebalotadi.

Sier Antonio Trun, fo consier.

Sier Andrea Cabriel.

Sier Luca Zen.

† Sier Marin di Garzoni.

A dì 6 octubrio. Fono electi savij dil consejo sier Nicolò Trivixan, procurator, sier Antonio Loredan, el cavalier, e sier Andrea Cabriel; di terra ferma sier Marco Zorzi, sier Hironimo Capelo e sier Zacaria Contarini, è ambasador al re di romani.

Capi di X, di octubrio, sier Piero Duodo, sier Alvise Venier, sier Zacharia Dolfin.

A dì 8. In gran consejo fu posto parte, per li consieri, che li inquisitori electi sopra il doxe defunto habino auctorità di avogadori, poter retenir e tormentar *etc.* Ave 12 non sincere, 64 di no, 980 de sì. E fu presa. E nota sier Antonio Trun non volse intrar.

A dì 8 octubrio. Per lettere dil zeneral, date a 68 Corfù, a dì 22 septembrio. Come heri zonse li con tuta l'armata, e va a trovar quella di Franza; è velle 42 la nostra. Ha lassato al Sasno el provedador Zantani con 5 galie. Et come si ave da Corfù, di sier Piero Liom, baylo et capetanio, che sier Domenego Dolfin, capetanio al colfo, el qual dovea ripatriar con una galia, el zeneral l'ha tolta et *etiam* quella di sier Alvise da Canal, sopracomito, ha tolto; sì che verano senza le so galie, et verano con gripo a Venetia. Et ha tolto el fanò dil capetanio dil colfo per donarlo al capetanio francese. Si judicha l'armada anderà a Metelin, perchè francesi mostra haver piacer di andarvi; et trovato arano il gran maistro di Rodi, per esser vicino a Metelin, sarà contentissimo andarvi; e si dice sarà general de tute le armate, ben che quella di Portogallo ancor non sia zonta.